



KURUNIDIGUEZ

ANN ITRON VARIA REMENGOL,

An 30 a vis Mae 1858.

Ton : *Ni ho salud, stereden vor.*

O breiziz ker, diredit oll,
En deiz kaer man , da Remengol :
Hirio , ô pebes levenes !
E curuner ho Patrones.

Ar Pab Pii nao en deus clevet
Ar burzudou bras he deus gret
Ho Patrones, en peb amzer,
En andret he bugale guer.

— 2 —

He galon' zo deut da dridal,
Hac e m deveus roët raktal
Eur gjurunen meurbet skeudus
D'ho a Advocades galloudus.

Kemomp eta, a vouez huel,
Mil neuleudi d'ar Pab sanctel ;
Ha d'ar Verc'hes sacr, Mam Doue,
Enoir, respect ha karante!...

Ann oll boblyou eus an douar
A rentdezi enor ha gloar,
Hac he c'hemer, oll assambles,
Evit ho mam, ho rouanes.

Deut Escop sanctel, hor pastor,
Hastit kontanti hon ardor!
Lakit d'hon Patrones evrus
Ar gurunen-ze ker skeudus.

Ha nî, daoulinet gant respect,
Dirak he c'himaich benniguet ,
Nî a gano meuleudiou
D'ar Rouanes eus ann Eêvou.

Guir eo, e ze bet kurunet,
Pel amzer zo , gant an Dreindet ;
Mæs nî fel Demp, dre garante ,
He c'huruni c'hoas a neve.

Mari, hor Mam muia caret,
N'he deveus biskoas dilezet
Ar re' zo deut, gant goir fizians,
D'he zy da c'houlen assistans.

Nak a dud klan hak ankegied
E Remengol zo bet pareet;
Biken ne alfet niveri
Ann dud paour consolet granthri.

O Guerc'hes, mam garantezus,
Hastennit ho torn galloudus
Hirio var ho servicherien,
Ha bezit bepret ho zouten.

Mari, Rouanes an Eêvou,
Renit var ann ell galonou ;
Grit ma vo gant an oll karet
Jesus, ho mab, Zalver ar bed.

Guëchall ar Roue Gralon,
Ha sant Guenole he vignou
E Remengol evel daou æl,
Bede Patrones Breiz-Izel.

En peb anken, en peb danjer,
Nî zeui evelde, Mam dener,
Da Remengol da c'houl graçou
Ha delivrans eus hor poaniou.

Guerc'hes santel bezit ato,
Evidomp hac evit hor bro,
An Itron *Varia-remed oll* (1)
Ha mirit ne zaimp da goll.

Mari , hor mam, hon Rouanes,
Goude beza , gant levenes ,
Ho kurunet var an douar ,
Grit ma vimp kurunet er gloar.

Peden evit ann Anaon.

Selaouit , Mam drugarezus ,
Hirvoudou ann Anaon klêmus ,
Ha pedit Jesus, hon Autrou ,
D'ho delivra eus ar flammou.

Digorit dêze dor ann Eê ,
Ha grit ma teuyo an æle
D'ho douguen var ho diouasket ,
D'ann evurusted eternel.

EVEL-SE BEZET GRET.

Dre eur skrit apostolik, roet e Rom, en ilis Sant-Pêr, dan 8 a vis Mae 1857, hon Tad Santel ar Pab Pii IX en deus karguet an Autrou R. N. Sergent, Eskop a Guemper hag a Leon, da guruni, en he hanoo, an Itron Varia Remengol.

Kurunen aour ha perles an Itron Varia Remengol eo ar gaera zo bet guelet biskoas e Breiz-Izel.

PATRONES REMENGOL

KERUNET EN HANO HON TAD SANTEL AR PAB PIIX IX.

GANT ESCOP KEMPER,

An dregont a vis Mae 1858.

Gant levenez kanomp oll
Gloar d'ar Verc'hess Remengol.

Benza zeus eun hanô dudius ha santel,
Eun hanô kær meurbet karet e Breiz-Izel,
Eun hanô burzodus a viniguier dreist-oll,
Hac henez eo hanô Patrones Remengol.

Patrones Remengol !!! an hanô-ze ebken
A zizec'h ann daëlou, a zoupla an anken,
D'ar rusudik a ro ners da vont eb enkres.
A dreus ann drubuillou zo skignet er vuez.

Var zu Mari, bepret e nij hor pedennou
El laouenidiguez kerkouls hag er poaniou,
Hi eo hon esperans, hon c'honsolation,
Hor joa, hon eurustet, hon c'harante guirion.

Oll galloudus e zeo, e kichen hor Salver,
Pini n'en deus netra da refus d'e Vam ger,
Ha leun a drugarez evit ar bec'herien,
E kar asten dezo he dorn 'vit ho zouten.

E kreis tân ar brezel, tud kaled an Arvor,
A var bale eb spont, ha mervel gant enor,
Rac evel soudardet ar roue kos Gralon
Medalen Remengol a ve var ho c'halon.

Skoet gant ar goelarn, ha prest davont da goll,
Ar martolot a bed Patrones Remengol...
Kerkent en dro dezan e cham sioul an olliou
Hac ar verelaouen a luguern en envou.

'Na mar teu an anaon gant he vouez truezus
Da c'houlen eur beden, it da dy Mam Jesus,
He fedit a galon, hac hy, eus o silaou,
Er lamo deus an tân 'vit er kass d'ar joayou.

Kement a deu d'he zy da c'houlen he zicour
Pe dall, pe fortbuet, maleurus pe glanvour,
Ho deveus ho mennat, 'velse gant ar bed oll,
Eo bet hanvet : ITRON VARIA REMED-OLL.

Hirio, perak harpet var ho fenn bas dero,
E teu pelerinet stankoc'h eus a bep bro,
Perac, o c'herruout, en despet d'ho skuister,
En em strinkont timad e harz treid he auter ?

Gralon ha Guenole, St Kaourintin, Guen-æl,
Oll Sænt ha Sentezet hor bro guér Breiz-Izel,
Kemeski ho moesiou gant hon re 'vit kana
Meuleudi dudius d'an Itron Varia.

Rak hirio deis eurus, an oll grouadurien
En em gleo da veuli bano mam ar beorien,
Al lapousedigou var seul ho neizik spouen,
An dud var an douar, bag an Ælez en En.

Hirio e Remengol, gant laouenidigez,
E r r eur pardon bras en enor ar Verc'hes,
Ar pardon voe guechal ordenet gant Gralon
'Vit testeni a feiz d'an oll dud a galon.

Guerc'hes sacr' Remengol, pevarzec kant vloas zo,
E teu hon tadou kos el lec'h-man d'ho kendro,
E teu bugale Breiz d'ho ty, a galon vad,
Bepret 'vit ho meuli hag ho trugarekat.

Ha ny gant karante ha gant anaoudeuez
Euz ann oll burzudou c'heuz gred en hontouez,
A deu da guinik deoc'h, hirio, eur gurunen
Ker ka r, ker luguernus hag ar ganaveden.

Kemerit-hi, Guerc'hes, digant ho pugale,
'Vel eur merk a zoujans, eur merk a garante,
Kemerit-hi ma vo sonj en Arvor bepret,
Hompbet karet ganeoc'h, hag hon eus ho karet.

Var hor bugaligou divlam ha ker laouen,
A drid en eur velet rei deoc'h eur gurunen,
O Guerc'hes ! kendalc'hit da skuilla ho cra ou
'Oel m'a koez d'ar sao eol ar glis var an deillou.

Eus an den kos a c'ha, samet a vlaveziou,
Varzu he ve, Guerc'hes, harpit ar c'hamejou,
Grit ma na semplo ket, arok fin ar veach
Ma c'hallo souffr' gant nerz ha mervel gant kourach.

'N kalon ar pinvidik a zo karguet a aour
Hag a zell dizeblant eus oll boaniou ar paour,
Lakit, Guerc'hes Vari, karante ho truez
Ma souplaio d'he vreur s m pouner ar vuez.

Var bent ar maleurus a vef en dizurzou,
En eur dispris ar Groas bac e oll surzudou,
Mari, grit luguerne eur skeuden euz ar feiz,
Ma n'em gavo ganeomp en ho kichen eun deiz.

Ha pa zono trampil Æl ar Varnidiguez
Dan devez diveza, pa zigoro hor bez,
Mam leun a vadelez, Patronez Remengol,
Var eur goabren skeudus deut d'hon diguemer oll.

FIN.



E Montroulez, e ty LÉDAN, rue ar Pavé.